

## **სრულიად საქართველოს კათოლიკოს-პატრიარქმა პროექტ „ნიგნიერი და პატრიოტი თაობის“ მონაწილეები და გამარჯვებულები მიიღო**



ა.წ. 25 სექტემბერს სრულიად საქართველოს კათოლიკოს-პატრიარქმა ახალგაზრდული მოძრაობა „დავითიანის წარმომადგენლები მიიღო.

„დავითიანის“ ხელმძღვანელმა კოტე სვანაძემ წარადგინა ორგანიზაციის მიერ 2020 წელს განხორციელებული პროექტების ანგარიში.

შეხვედრას ასევე ესწრებოდნენ სკოლის დირექტორები და საპატრიარქოს ახალგაზრდული მოძრაობა „დავითიანის“ მიერ განხორციელებული პროექტის „ნიგნიერი და პატრიოტი თაობის“ მონაწილეები და გამარჯვებულები. აღნიშნულ პროექტში ჩართულია 40 სკოლა და 200-მდე ბავშვი. პროექტის ფარგლებში მოსწავლეები ეუფლებიან რელიგიების ისტორიას, ფსიქოლოგიას, ეცნობიან სხვადასხვა ეთნოკულტურებს, რისი სწავლებაც სახელმწიფოებრივ აზროვნებას უყალიბებს მოზარდებს.

ცენტრს აქვს ფსიქოლოგიური დახმარების ჯგუფი, რომლის მიზანია გაამარტივოს კომუნიკაცია და წვლილი შეიტანოს ფსიქო განათლებაში. ფსიქოლოგები ასევე მუშაობენ ისეთ მნიშვნელოვან საკითხებზე, როგორც არის ბულინგი და კონფლიქტები მოზარდებთან.

ორგანიზაციას აქვს სამეცნიერო პორტალი „დოქტრინა,“ რომლის მიზანია მსოფლიოში მიმდინარე თანამედროვე სამეცნიერო ტენდენციების შესახებ ოპერატიულად განახლებადი ინფორმაციის მიწოდება ახალგაზრდებისათვის; ასევე, ადგილობრივი სამეცნიერო საზოგადოების, ახალგაზრდა მკვლევარ-ანალიტიკოსთა, სტუდენტთა სამეცნიერო შეხვედრების პოპულარიზაციისათვის ეფექტური საკომუნიკაციო სივრცის ფორმირება.

„დავითიანნი“ ინტენსიურად მართავს შეხვედრებს, რომლის მიზანიც არის ახალგაზრდებში ცნობიერების ამაღლება სასულიერო თემებზე;

და ბოლოს, „დავითიანნი“ ყოველ წლიურად აცხადებს NGO ხელშეწყობის და ახალგაზრდობის განვითარების პროექტებს, რომლის ფარგლებშიც ის აფინანსებს პროექტებს და ცდილობს ხელი შეუწყოს საქართველოში მცხოვრებ ნიჭიერ ახალგაზრდებს საკუთარი ორიგინალური, საინტერესო და საზოგადოებისთვის მნიშვნელოვანი იდეების განხორციელებაში.

მისმა უწმინდესობამ დალოცა ახალგაზრდები, მადლობა გადაუხადა განუული საქმიანობისთვის და შემდგომი წარმატებები უსურვა „დავითიანს“. ასევე ურჩია მათ ბუნებასთან დაახლოება, რათა ღვთის ხელი და მადლი უკეთ შეიგრძნონ.